

20113456/IPGK BM/KH ← (No. Matrik & Institusi & Bidang)

RM 10

SETEM
HASIL



PERJANJIAN PEMBIAYAAN PENDIDIKAN GURU

ANTARA

KERAJAAN MALAYSIA

DAN

AIDA BINTI MOHD ANIP
760516-11-5186

(Nama PEGAWAI dan No. Kad Pengenalan)

PERJANJIAN PEMBIAYAAN PENDIDIKAN GURU

Perjanjian ini dibuat pada tarikh yang dinyatakan di **Bahagian 1 Jadual** kepada Perjanjian ini di antara **KERAJAAN MALAYSIA** yang bagi tujuan Perjanjian ini diwakili oleh Kementerian Pelajaran Malaysia (selepas ini di sebut “**KERAJAAN**”) sebagai pihak pertama dan pihak yang nama dan butir-butirnya di **Bahagian 2 Jadual** iaitu Pegawai Perkhidmatan Pendidikan kepada Perjanjian ini (selepas ini di sebut “**PEGAWAI**”) sebagai pihak kedua.

BAHAWASANYA –

- A. KERAJAAN telah bersetuju meluluskan **Perjanjian Pembiayaan Pendidikan Guru (Program Pensiswazahan Guru)** kepada PEGAWAI bagi mengikuti Pengajian seperti yang ditetapkan di dalam Surat Tawaran Pembiayaan Pendidikan Guru (selepas ini disebut “**Surat Tawaran**”).
- B. KERAJAAN telah bersetuju meluluskan PEGAWAI bagi mengikuti Pengajian seperti yang ditetapkan di dalam Surat Kelulusan Belajar (selepas ini disebut “**Surat Kelulusan**”).
- C. PEGAWAI telah menerima Surat Tawaran dan Surat Kelulusan tersebut dan bersetuju untuk menerima **Pembiayaan** tersebut tertakluk kepada syarat-syarat yang terkandung di dalam Perjanjian, Surat Tawaran dan Surat Kelulusan tersebut.
- D. Surat Tawaran dan Surat Kelulusan yang dikeluarkan oleh KERAJAAN hendaklah dibaca bersama dan menjadi sebahagian daripada Perjanjian ini.

MAKA ADALAH DENGAN INI DIPERSETUJUI seperti berikut:

1. Definisi dan Tafsiran

1.1 Definisi

Di dalam perjanjian ini, melainkan konteksnya mengkehendaki maksud yang lain, perkataan-perkataan di bawah diberi maksud seperti yang berikut :

“Pembiayaan Pendidikan Guru” - ertinya nilai pembiayaan yang dibayar oleh KERAJAAN kepada Institusi terlibat untuk membiaya yuran pengajian PEGAWAI.

“Pengajian” - ertinya kursus Ijazah Pertama yang diikuti oleh PEGAWAI seperti yang dinyatakan di dalam Surat Tawaran dan Surat Kelulusan.

“Surat Kelulusan” - ertinya Surat Kelulusan Belajar mengikuti pengajian daripada KERAJAAN yang dikeluarkan oleh Bahagian Pendidikan Guru Kementerian Pelajaran kepada PEGAWAI.

“Surat Tawaran” - ertinya Surat Tawaran Pembiayaan Pendidikan Guru daripada KERAJAAN yang dikeluarkan oleh Bahagian Pendidikan Guru Kementerian Pelajaran kepada PEGAWAI

1.2 Tafsiran

- (a) Tajuk-tajuk dan tajuk-tajuk kecil kepada peruntukan-peruntukan dan bahagian-bahagian di dalam Perjanjian ini dimasukkan bertujuan untuk memudahkan pembacaan sahaja dan tidak boleh diambil kira sebagai sebahagian daripada Perjanjian atau untuk dibuat pertimbangan dalam mentafsirkan Perjanjian ini;
- (b) Rujukan kepada mana-mana statut atau peruntukan statutori adalah merangkumi rujukan-rujukan kepada statut atau peruntukan statutori yang dipinda dan digubal semula; dan
- (c) Rujukan kepada lampiran, fasal, sub-fasal atau jadual adalah rujukan kepada lampiran, fasal, sub-fasal atau jadual dalam Perjanjian ini.

2. Pembayaran Pembiayaan Pendidikan Guru

- (a) Tertakluk kepada terma-terma dan syarat-syarat di dalam Perjanjian ini, KERAJAAN bersetuju untuk memberikan pembiayaan kepada PEGAWAI (selepas ini disebut "Nilai Pembiayaan") untuk membiayai Pengajian PEGAWAI di universiti atau institusi seperti yang dinyatakan di dalam Surat Tawaran.
- (b) KERAJAAN akan membayar Nilai Pembiayaan tersebut kepada pihak berkuasa universiti atau institusi atau melalui wakil KERAJAAN seperti mana yang berkenaan.

3. Tempoh Pengajian

PEGAWAI akan menamatkan Pengajiannya dengan memperolehi Ijazah Pertama dalam tempoh Pengajian/tempoh (yang mana terdahulu) seperti dinyatakan di dalam Surat Kelulusan atau dalam sesuatu masa sebagaimana yang diluluskan oleh KERAJAAN.

4. Tanggungjawab Pegawai

4.1 Pengajian

- (a) PEGAWAI hendaklah dengan sedaya upaya mengikuti Pengajian seperti yang dinyatakan di dalam Surat Tawaran dan Surat Kelulusan dengan menghadiri kuliah, seminar, ceramah, tutorial dan apa-apa program yang dijalankan berkaitan dengan Pengajian PEGAWAI.
- (b) PEGAWAI hendaklah menghadiri semua ujian dan peperiksaan yang disyaratkan yang berkaitan dengan Pengajiannya untuk mendapat Ijazah Pertama sebagaimana yang dinyatakan dalam Surat Tawaran dan Surat Kelulusan.
- (c) PEGAWAI hendaklah menyempurnakan kursus Pengajian dengan jayanya dalam tempoh yang telah ditetapkan.
- (d) PEGAWAI tidak boleh menukar Pengajian dan/atau tempat Pengajiannya ke universiti atau institusi selain daripada yang ditetapkan oleh KERAJAAN tanpa mendapat kebenaran terlebih dahulu daripada KERAJAAN.

- (e) PEGAWAI tidak boleh melanjutkan tempoh dan/atau menangguhkan Pengajian tanpa mendapat kebenaran terlebih dahulu daripada KERAJAAN.
- (f) PEGAWAI tidak boleh meninggalkan Pengajian sebelum sempurnanya Pengajian itu tanpa persetujuan KERAJAAN.

4.2 Memaklumkan Keputusan Peperiksaan

PEGAWAI hendaklah melaporkan dalam tempoh dua (2) minggu kepada KERAJAAN, keputusan peperiksaan atau ujian penggal, semester, tahunan atau akhir yang diduduki oleh PEGAWAI sebaik sahaja keputusan atau ujian tersebut diisytiharkan oleh universiti atau institusi yang berkenaan.

4.3 Disiplin

- (a) PEGAWAI akan sentiasa mematuhi apa-apa peraturan dan tata tertib sebagaimana yang berkuatkuasa di universiti atau institusi dari semasa ke semasa.
- (b) PEGAWAI tidak boleh melakukan perbuatan salah laku dalam apa cara jua pun yang pada pendapat KERAJAAN mungkin menjatuhkan nama baiknya atau nama baik Malaysia.
- (c) PEGAWAI adalah tertakluk kepada apa-apa perundangan dan apa-apa peraturan lain sebagaimana yang berkuatkuasa dari semasa ke semasa yang terpakai kepada pegawai awam.

4.4 Hasutan dan Tunjuk Perasaan

PEGAWAI tidak boleh pada bila-bila masa dalam Tempoh Pengajiannya –

- (a) mengambil apa jua bahagian dalam sesuatu penghasutan atau tunjuk perasaan di mana-mana tempat oleh apa-apa pertubuhan, badan atau kumpulan orang, iaitu penghasutan atau tunjuk perasaan yang pada pendapat KERAJAAN, adalah memudaratkan kepentingan Malaysia atau institusi pendidikan;
- (b) Menyediakan atau mengedarkan dengan apa-apa cara atau mengambil apa jua bahagian dalam menyediakan atau mengedarkan, sesuatu penghasutan atau tunjuk perasaan di mana-mana tempat oleh apa-apa pertubuhan, badan atau kumpulan orang, iaitu penghasutan atau tunjuk perasaan yang pada pendapat KERAJAAN, adalah memudaratkan kepentingan Malaysia atau sesuatu institusi pendidikan;
- (c) Menyediakan, mencetak, membahagi atau mengedarkan atau mengambil bahagian dengan apa-apa cara dalam menyediakan, mencetak, membahagi atau mengedarkan apa-apa dokumen atau lain-lain bahan yang pada pendapat KERAJAAN adalah memudaratkan kepentingan Malaysia atau sesuatu institusi pendidikan; atau
- (d) Membuat apa-apa kenyataan :
 - i) di sesuatu perhimpunan apa-apa kumpulan orang di mana-mana tempat yang pada pendapat KERAJAAN boleh memudaratkan kepentingan Malaysia atau sesuatu institusi pendidikan.

- ii) di laman web/media cetak/media elektronik yang pada pendapat KERAJAAN adalah memudaratkan kepentingan Malaysia atau sesuatu institusi pendidikan.

4.5 Menyertai Politik dan Pertubuhan

- (a) PEGAWAI tidak boleh mengambil bahagian sama ada secara langsung atau tidak langsung dalam kegiatan berunsur politik atau anti-kerajaan.
- (b) PEGAWAI tidak boleh memegang apa-apa jawatan dalam apa-apa pertubuhan, badan atau kumpulan orang tanpa terlebih dahulu mendapat kelulusan bertulis daripada KERAJAAN dan KERAJAAN, mengikut budi bicara mutlaknyanya, boleh memberi atau tidak memberi kelulusan itu.
- (c) PEGAWAI tidak boleh menjadi seorang ahli atau mengambil bahagian dalam kegiatan-kegiatan apa-apa pertubuhan, badan atau kumpulan orang yang tujuan atau kegiatan-kegiatan itu adalah, pada pendapat KERAJAAN boleh ditafsirkan sebagai bercorak politik tanpa terlebih dahulu mendapat kelulusan bertulis daripada KERAJAAN dan KERAJAAN, mengikut budi bicara mutlaknyanya, boleh memberi atau tidak memberi kelulusan itu.

4.6 Syarat-syarat Lain

- (a) PEGAWAI tidak boleh melibatkan diri dalam apa-apa kegiatan atau perbuatan yang boleh menjejaskan Pengajiannya.
- (b) PEGAWAI tidak boleh mengambil bahagian dalam apa-apa kegiatan yang tidak selaras dengan kepentingan PEGAWAI atau kepentingan Malaysia. Sekiranya PEGAWAI mengambil bahagian dalam apa-apa kegiatan dan kemudiannya telah diberitahu oleh KERAJAAN bahawa kegiatan tersebut adalah tidak selaras dengan kepentingannya atau kepentingan Malaysia maka PEGAWAI hendaklah berhenti dengan serta merta daripada mengambil bahagian selanjutnya.
- (c) PEGAWAI yang mengikuti Pengajian dalam negara tidak dibenarkan membuat perjalanan ke luar negara tanpa kebenaran KERAJAAN.
- (d) PEGAWAI tidak boleh melakukan apa-apa perkara yang boleh menyebabkan PEGAWAI ditamatkan Pengajian dan/atau dibuang dari universiti atau institusi oleh pihak berkuasa universiti atau institusi.

5. **Berkhidmat dengan Kerajaan**

- 5.1 PEGAWAI yang telah menamatkan Pengajian dengan jayanya atau tidak, akan terus berkhidmat dengan KERAJAAN sebagaimana yang ditentukan oleh KERAJAAN bagi tempoh seperti yang dinyatakan dalam **Bahagian 8 Jadual** kepada Perjanjian ini mulai dari tarikh tamat pengajian.
- 5.2 Walau apa-apa pun yang dinyatakan dalam mana-mana Perjanjian lain, tempoh berkhidmat dengan KERAJAAN hendaklah dibaca bersama secara berturutan dengan tempoh berkhidmat yang diperuntukkan di dalam Perjanjian ini.
- 5.3 PEGAWAI yang telah menamatkan Pengajian dan berkhidmat dengan KERAJAAN di bawah Fasal 5.1 hendaklah mematuhi semua peraturan-peraturan

dan apa-apa undang-undang bertulis yang berkuatkuasa dari semasa ke semasa.

6. Pelanggaran dan Penamatan Perjanjian

Sekiranya PEGAWAI –

6.1 di dalam Tempoh Pengajiannya –

- (a) ditamatkan Pengajian dan/atau dibuang oleh pihak universiti atau institusi; atau
- (b) melakukan pelanggaran kepada mana-mana peruntukan di bawah Fasal 4 Perjanjian ini,

ATAU

6.2 selepas tamat Pengajian sama ada dengan jayanya atau pun tidak –

- (a) enggan, atau oleh kerana salah lakunya sendiri menjadikan dirinya tidak sesuai berkhidmat atau terus berkhidmat dengan Kerajaan/ Kerajaan Negeri/ Agensi-agensi di bawahnya dalam sesuatu jawatan dengan pangkat yang tidak rendah daripada yang disandangnya sebelum PEGAWAI pergi berkursus selama tempoh masa yang dinyatakan di bawah Fasal 5.1 Perjanjian ini; atau
- (b) melakukan pelanggaran kepada mana-mana peruntukan di bawah Fasal 4 dan 5 Perjanjian ini,

ATAU

6.3 dalam Tempoh Perkhidmatannya –

- (a) dibuang kerja atau ditamatkan perkhidmatan kerana salah laku, kecuaiian, tidak mengendahkan kewajipan-kewajipannya atau atas apa-apa sebab sekalipun yang menyebabkan PEGAWAI boleh dibuang kerja atau ditamatkan perkhidmatan atau
- (b) sama ada mendapat persetujuan KERAJAAN atau tidak, berhenti daripada atau meninggalkan perkhidmatan atau apa-apa pekerjaan lain yang telah diarahkan atau dipersetujui oleh KERAJAAN di bawah Fasal 5.1 Perjanjian ini; atau
- (c) telah melakukan apa-apa pelanggaran yang menyebabkan Perjanjian ini ditamatkan oleh KERAJAAN di bawah Fasal 6 Perjanjian ini,

maka dalam mana-mana hal yang demikian itu, KERAJAAN boleh menurut budi bicara mutlaknya, menamatkan Perjanjian ini dan dengan itu PEGAWAI hendaklah bertanggungjawab bagi pihak diri mereka, apabila diminta dalam tempoh enam puluh (60) hari dari tarikh diminta oleh KERAJAAN –

- (a) membayar balik kepada KERAJAAN sejumlah wang seperti yang dinyatakan di **Bahagian 9 Jadual** kepada Perjanjian ini;
- (b) tanggungan semua kos dan perbelanjaan termasuk dan tidak terhad kepada kos guaman atas dasar peguamcara-anakguam, untuk menuntut atau menyaman PEGAWAI.
- (c) walau apa-apa pun tuntutan remedi oleh Kerajaan di bawah Fasal 6.1, 6.2 dan 6.3 Perjanjian ini, KERAJAAN boleh menurut budi bicaranya mendapatkan balik

jumlah Pembiayaan Pendidikan Guru yang telah dibayar kepada PEGAWAI atau menguatkuasakan apa-apa tanggungan lain di dalam Perjanjian ini.

- (d) sekiranya pembayaran tidak dijelaskan dalam tempoh enam puluh (60) hari, PEGAWAI adalah dengan ini bersetuju untuk membenarkan KERAJAAN untuk membuat perkiraan dengan sesiapa jua pihak lain atau majikan PEGAWAI supaya suatu jumlah tertentu dipotong daripada pendapatan PEGAWAI dan jumlah yang dipotong tersebut dibayar terus kepada KERAJAAN sebagai pembayaran gantirugi.
- 6.4 Walau apa-apa pun yang diperuntukan di bawah Fasal 6.1, 6.2 dan 6.3 di atas, dalam mana mana hal demikian itu, KERAJAAN boleh menurut budi bicara mutlaknyanya memberi notis tiga puluh (30) hari kepada PEGAWAI untuk meremedikan apa-apa pelanggaran yang dimaklumkan. Sekiranya PEGAWAI gagal meremedikan pelanggaran tersebut dalam tempoh yang ditetapkan, maka Perjanjian ini hendaklah disifatkan sebagai tamat berkuatkuasa pada hari selepas tamat tempoh notis berkenaan dan KERAJAAN berhak kepada hak yang dinyatakan dalam perenggan 6(a) dan 6(b).

7. Hak Kerajaan

- 7.1 KERAJAAN berhak meminda apa-apa peraturan dan syarat-syarat di atas dan/atau menambahnya pada bila-bila masa sahaja tanpa sebarang pemberitahuan dan PEGAWAI adalah tertakluk kepada pindaan-pindaan tersebut yang mana pindaan tersebut hendaklah dibaca sebagai sebahagian daripada Perjanjian ini.
- 7.2 Adalah dipersetujui dan diakui bahawa walaupun apa-apa jua yang terkandung dalam Perjanjian ini, KERAJAAN boleh dengan memberi tiga puluh hari (30) notis bertulis kepada PEGAWAI membatalkan Perjanjian ini pada bila-bila masa, dengan tidak memberi apa-apa sebab dan dengan demikian segala faedah bagi PEGAWAI di bawah Perjanjian hendaklah terhenti.

8. Duti Setem

Duti setem yang kena dibayar kepada Perjanjian ini hendaklah ditanggung dan dibayar oleh PEGAWAI.

9. Makluman Perubahan Maklumat PEGAWAI

- 9.1 PEGAWAI adalah bertanggungjawab memaklumkan kepada KERAJAAN melalui notis bertulis sebarang perubahan maklumat, alamat atau status PEGAWAI jika ada.
- 9.2 Sebarang notis bertulis dan/atau proses tindakan mahkamah yang perlu dihantar kepada PEGAWAI di dalam Perjanjian ini dianggap telah disampaikan dengan sempurna sekiranya ia ditinggalkan di alamat yang dinyatakan di dalam Perjanjian ini atau dalam notis pertukaran alamat atau alamat terakhir yang diketahui atau dihantar melalui pos berdaftar kepada mana-mana alamat tersebut yang berkenaan.

10. Pemakaian Undang-Undang

- 10.1 Perjanjian ini hendaklah dalam segala hal ditadbirkan dan ditentukan serta ditafsirkan berdasarkan undang-undang di Malaysia.
- 10.2 KERAJAAN berhak untuk memulakan prosiding berkenaan pelanggaran di bawah Fasal 6 Perjanjian ini terhadap PEGAWAI di dalam mahkamah di Malaysia.
- 10.3 Pihak-pihak bersetuju dan mengiktiraf serta menerima sebagai muktamad segala keputusan oleh mahkamah Malaysia berkenaan sebarang pertikaian yang timbul daripada Perjanjian ini.

PADA MENYAKSIKAN HAL DI ATAS pihak-pihak yang tersebut di dalam Perjanjian ini telah menurunkan di sini tandatangan-tandatangan dan meteri-meteri mereka pada haribulan dan tahun yang mula tertulis di atas :

<p>KERAJAAN :</p> <p>-----</p> <p>Nama :</p> <p>No. Kad Pengenalan:</p> <p>Cop Rasmi :</p>	<p>Di hadapan Saksi :</p> <p>-----</p> <p>Nama :</p> <p>Alamat :</p> <p>Pekerjaan :</p> <p>No.Kad Pengenalan :</p> <p>Jawatan dan Cop Rasmi Jabatan :</p>
---	--

Di isi oleh Pihak Kerajaan- KOSONGKAN

PEGAWAI :

Nama : **AIDA BINTI MOHD ANIP**

No. Kad Pengenalan : **760516-11-5186**

Di hadapan Saksi :

Nama : **HISHAM BIN HASHIM**

Alamat : **No. 33, Jln. Raja Udang 2,
Tmn. Sentosa, 43000 Kajang.**

Pekerjaan : **Pengetua**

No.Kad Pengenalan : **621212-03-5353**

Jawatan dan Cop Rasmi Jabatan :

HISHAM BIN HASHIM
 Pengetua
 SMK Sungai Daun
 Pahang



JADUAL

(Dibaca bersama dan menjadi sebahagian daripada Perjanjian ini)

BAHAGIAN	PERKARA	BUTIR-BUTIR
1.	Tarikh Perjanjian	...11..hb...FEBRUARI... 2012
2.	PEGAWAI	Nama : AIDA BINTI MOHD ANIP No. Kad Pengenalan : 760516-11-5186 Alamat tetap: 21 Seksyen 3/20, Persiaran Damai 4, Taman Kajang Utama, 43000 Kajang, Selangor Darul Ehsan
3.	Nama Program	PROGRAM PENSISWAZAHAN GURU
4.	Peringkat/ Kursus Pengajian/Universiti/Institusi	IJAZAH SARJANA MUDA PERGURUAN (SR) DENGAN KEPUJIAN/ SAINS/ IPGK BAHASA MELAYU (RUJUK SURAT TAWARAN - IPG)
5.	Tempoh Kursus Latihan	4 TAHUN
6.	Surat Tawaran	No. Rujukan : KP(BPG)9026/800/PPG11/ST/J/00621 Tarikh : 12 MAC 2011 (RUJUK SURAT TAWARAN PEMBIAYAAN - BPG)
7.	Surat Kelulusan	No. Rujukan : KP(BPG)9026/PPG11/C/01504 Tarikh : 12 MAC 2011 (RUJUK SURAT KELULUSAN - BPG)
8.	Tempoh Perkhidmatan Dengan KERAJAAN : (a) Tamat tempoh Pengajian dalam tempoh kelulusan pertama (asal) atau lebih awal atau; (b) Tamat Pengajian dengan pelanjutan melebihi tempoh kelulusan pertama (asal).	4 Tahun

BAHAGIAN	PERKARA	BUTIR-BUTIR
9.	Jumlah Tuntutan Gantirugi Jika Mungkir Perjanjian : (a) Tamat tempoh Pengajian dalam tempoh kelulusan pertama(asal) atau lebih awal atau; (b) Tamat Pengajian dengan pelanjutan melebihi tempoh kelulusan pertama (asal).	RM 50 000.00

CONTOH